

Paulo Galácia di'takãharãre kĩî ohâka pũri niî'

A'ti pũri a'tiro weéro ohâ no'opã niisé niî'

Paulo Galácia di'takãharãre a'ti pũrire ohâki niîwĩ. Romakãharãre ohâ'karo weeró noho naãre ohâki niîwĩ.

A'teré ohâki niîwĩ. Masa mehéta yi'f re Jesu Cristo yee kitire bu'ê dutirá söróowã niisére ohâki niîwĩ. “Jesu Cristo, tohó niiká marí paki Ô'âkĩ hi naã basi yi'f re söróowã”, niî ohâki niîwĩ.

Apêyere, “Moisé dutí'ke me'ra marí bu'firi marirá toha masítisa!”, niîki niîwĩ. “Jesu Cristore êho peóse me'ra di'akĩ ayurá toha masí!”, niîki niîwĩ.

Paulo Jesu Cristore êho peórãre Galácia di'tapi niirãre ohâ'ke niî'

1 ¹⁻² Yi'f Paulo, yi'f me'prakãharã me'ra misã Jesu Cristore êho peórãre Galácia di'tapi niirãre ohâ'. Misãre äyu dutíse o'ò! Yi'f Jesu Cristo bese kũú'ki niî'. Yi'f re masa mehéta Ô'âkĩ hi yee kitire weré dutirá besewá. Naã o'òo'kã meheta teeré weré!. Jesu Cristo, kĩî paki Ô'âkĩ hi naã basi yi'f re besewá. Ô'âkĩ hita Jesu Cristo wẽrĩ'kipire masóki niîwĩ.

³ Marí wiôgi Jesu Cristo, marí paki Ô'âkĩ hi äyuró weeáto misãre. E'katíse, misãre äyuró ehêri põ'ratikã weeáto.

⁴ Jesu Cristo kĩî basi kĩî iaró me'ra marí yã'áro weékere wẽrĩ basaki niîwĩ. A'ti imí kohokãhase yã'asé doka niî nemotikã'ato niîgi tohó weéki niîwĩ. A'teré weégi, marí paki Ô'âkĩ hi dutí'karo nohota weéki niîwĩ. ⁵ Tohó weerã marí Ô'âkĩ hire “Mĩ'f äyú butia'gi, tutuã yi'riagi niî!” niî nu'kukã'rá. Tohóta weerã.

Jesu Cristore êho peóse me'ra di'akĩ yi'rírãsa' niisé niî'

⁶ Ô'âkĩ hi misãre ma'fígi, beséki niîwĩ. Jesu Cristo kĩî wẽrisé me'ra misãre yi'rióki niîwĩ. Kĩî tohó weemikã, misã pe'e maatã waro kĩî re êho peó du'urã weé!. Apêye bu'esé pe'ere siru tuurã weé!. Misã tohó weekã tí'ógi, ipíti ikiãsa!. ⁷ Apêrã misã neê waro êho peó'kere dohoré'sama. Misãre Jesu Cristo yee kitire weré su'riasama. Teeré dika yuú sĩ'risama. Jesu Cristore êho peóse me'ra di'akĩ maríre yi'ritã basió!. Apêye bu'esépiã basiótisa!. ⁸ ĩsã misãre Ô'âkĩ hi masaré yi'rióse kitire keoró werêwi. Misãre Jesu Cristo yee kitire mehêkã weregíre Ô'âkĩ hi ipíti bu'firi da'reáto. No'ó yi'f nohore, ou äpi i'mí sekĩ hi Ô'âkĩ hire weré ko'tegire ĩsã mehêkã wereká, bu'firi da'reáto. ⁹ Yi'f too dipóropi misã tiropi niîgi, a'teré weré

tohawi. Ni'kâroakâre opâturi niî nemo' taha. No'ó ìsâ bu'ê'ke Jesu Cristo yee kitire misâre mehêkâ weregí nohore Ô'âkî hi bu'îri da'reató.

¹⁰Yi'î a'teré werêgi, masá yi'î re “Áyú butia'ro werê me'rimi” niíató niîgi meheta werê'. Ô'âkî hi pe'ere “Keoró bu'êmi” niî dutigi werê'. Yi'î too dipóropire “Masá yi'î me'ra e'katiáto”, niî nu'kuwi. Tohó niî nu'kugí pûrikâ, Jesu Cristo iaró weetí boosa'. Kîî re da'râ ko'tegi meheta niî boosa'.

Ô'âkî hi Paulore Jesu Cristo yee kitire werê dutigi kûú'ke niî'

¹¹Yi'î keoró misâre masiká íása'. Yi'î bu'esé masá naâ wâkusé meheta niî'. ¹²Yi'î re teeré neê ni'kí masí bu'êtiwî. Jesu Cristo kîî basi teé bu'esére masiká weewí.

¹³Too dipóropi Judeu masa naâ êho peósetisere yi'î weékú'kere misâ ti'opá. Jesu Cristore êho peórâre yâ'â butia'ro weékúwi. Neê ni'kí Jesu Cristore êho peógi mariáto niîgi naâ êho peósere pe'ó sî'rimiwi.

¹⁴Yi'î ma'mî niîgi, Judeu masa naâ êho peósetisere áyuró weewí. Ápêrâ yi'î me'rakâharâ yi'rióro ìsâ yêki simiá weeséti mihati'kere weé yi'ri ni'kawi. ¹⁵Yi'î Jesu Cristore êho peórâre yâ'âro weewí. Tohó weemíkâ, yi'î bahuáatóho diporopi Ô'âkî hi bese yuú tohaki niîwî. Ipíti ma'ígi, kîî makí niî dutigi beséki niîwî. ¹⁶Kîî “Beségíti” niî'karo nohota keoró ni'ká nimi kîî makíre yi'î re ì'yowí. Ì'yó, yi'î re Judeu masa niítirâre Jesu Cristo yee kitire werê dutiwî. Kîî tohó ì'yoká, âpêrâre “Yi'î de'ró weegísari?” niî sêrí yâ'a nemotiwi. ¹⁷Apêye kè'rare “Jesu Cristo yi'î diporo bese kúú mi'ta'kârâ tiro Jerusalépi maata sêrí yâ'a bakeo'gi wa'âgiti”, niítivi. Tohó weeró noho o'ógi, diakí hí wa'â wa'âwi Arábia di'tapi. Be'ró toopí ni'ki Damascopi mahâmi tohatiwi taha.

¹⁸Yi'î Jesu Cristore êho peóka be'ro i'tiá ki'ma yi'riwí. Tiikése ki'mari yi'ri'ka be'ro Jerusalépi Pedroré ì'yâgi wa'âwi. Toopíre kîî me'ra piá semana tohá ke'a ni'wi. ¹⁹Jesu Cristo kîî bese kúú'kârâ niî pe'tirâre ì'yâtiwi. Pedro, âpi Tiago marí wiógi Jesu Cristo akabihí di'akíre ì'yâwi. ²⁰Ô'âkî hi ti'óropi misâre werêgiti. A'té yi'î weresére niî soogi meheta weé'.

²¹Yi'î Jerusalépire niîka be'ro Síria di'tapi, tohó niiká Cilícia di'tapi wa'âwi. ²²Yi'î Judéia di'tapire yoaká niítivi. Tohó weerâ âpêrâ Jesu Cristore êho peórâ yi'î re ì'yâ masitiwâ. ²³Yee kití di'akíre ti'ókârâ niîwâ. “Sô'ó niîka tero maríre yâ'âro weé sî'rigi siru tuú'ki ni'kâroakâre 'Jesu Cristore êho peóya', niî kusiagita weeápi'. Too dipóropire Jesu Cristore êho peósere pe'ókâ' sî'rimi'kita niíápi'”, niî uukahákârâ niîwâ. ²⁴Yi'î Jesu Cristore êho peósere ti'órâ, Ô'âkî hire “Mi'î áyú butia'gi, tutuâ yiriagi niî'” niîkârâ niîwâ.

Paulo Jerusalépi Jesu kîî neê waro bese kúú'kârâ me'ra uúkú'ke niî'

2 Catorze ki'mari Jerusalépi yi'î ehâka be'ro Barnabé me'ra opâturi tiî makápi wa'âwi taha. Ìsâ me'rakí hi Tito wamêtigi kè'rare miáawi. ²Ô'âkî hi yi'î re toopí wa'â dutiwî. Tohó weégi wa'âwi. Jerusalépire ehâ, Jesu Cristore êho peórâ wiórâ me'ra di'akí nerê, uúkúwi. Judeu masa niítirâre Jesu Cristo masaré yi'riómi niisé kiti, yi'î bu'ê'kere naâre werêwi. Yi'î neê waropi bu'ê ni'ka'kere, yi'î ni'kâroakâ bu'esére de'ró niírsari? niîgi, werêwi. Mi'î bu'esé wapa marí' niíri niîgi, werê yâ'amiwi. ³Naâ neê mehêkâ niítivi. Yi'î me'rakí hi Tito Judeu masi meheta niíwî. Kîî tohó

niimikā, ĩsā Judeu masa wee wiáse nohore wee dutitiwā. “Kĩĩre ò'rekihí yapa kaserore yehê kō'aro íá”, niitiwā.

⁴Wiōrā pe'e “Titore ò'rekihí yapa kaserore yehê kō'aro íá” niitimikā, āpērā tohō niĩ ko'terā pe'e “Kĩĩre yehê kō'aro íá”, niiwā. Naā Jesu Cristore ēho peó ta'sarā, Jesu Cristore ēho peórā me'ra a'mé si'awā. Tohō niĩ ta'sa, ĩ'yā du'tirā niiwā. Naā ĩsā Jesu Cristore ēho peórā weesétisere ĩ'yāwā. ĩsā kĩĩre ēho peórā Moisé dutisé doka niitikā ĩ'yāwā. Teeré ĩ'yārā, ĩsāre ĩsā yēki simiāre duti mihati'kere wee duti s'i'rimiawā taha. Moisé kĩĩ duti'ke doka kũũ s'i'rimiawā taha. ⁵Naā tohō dutimikā, ĩsā neē kā'roākā naā dutisére “Weeró íása”, niitiwi. Misāre Jesu Cristore ēho peóse me'ra di'akĩ y'i'rírásā' niisé kitire masiká íá'. Tohō weerā diakĩ hí káhase, Jesu Cristo yeere werērāti niĩrā, naā wee duti'kere weetiwi.

⁶Wiōrā y'i'ĩre mehēkā werē dutitiwā. “Marĩ yēki simiāre wee duti'kere wee dutiya Judeu masa niitirāre”, niitiwā. Ō'ākĩ hi marĩ niĩ pe'tirāre ni'kāro noho ĩ'yāsami. Teeré masĩgi, “Naā wiōrā niĩma” niĩ, ipĩti waro wākũtiwi. Ō'ākĩ hi naāre besé'karo nohota y'i'ĩ kē'rare besewĩ. ⁷Wiōrā y'i'ĩre a'ti'ro niiwā: “Mi'ĩ kē'ra Ō'ākĩ hi besé'ki niĩ'. Kĩĩ mi'ĩre Judeu masa niitirāre Jesu Cristo yee kitire werē dutiapi. Pedrore Judeu masare werē duti'karo nohota mi'ĩre naā pe'ere werē dutiapi”, niiwā wiōrā. ⁸Ō'ākĩ hi Pedrore Judeu masare Jesu Cristo yee kitire werē dutiki niiwĩ. Kĩĩ Ō'ākĩ hita taha y'i'ĩ kē'rare Jesu Cristo yee kitire Judeu masa niitirā tiro pe'ere werē dutiwi. ⁹Jerusalēpire Tiago, Pedro, tohō niikā João naā ĩ'tiārā Jesu Cristore ēho peórā wiōrā niiwā. Naā y'i'ĩre “Judeu masa niitirāre Ō'ākĩ hi mi'ĩre ma'ĩgi werē dutiapi”, niiwā. Tohō weerā ĩsā piārāre, y'i'ĩ, tohō niikā Barnabēre “Marĩ ni'kāro noho da'rarásā”, niiwā. Naā ĩsāre “Jesu Cristo yee kitire Judeu masa niitirāre werērā wa'āya”, niiwā. “ĩsā pe'e Judeu masare werērāti”, niiwā. ¹⁰ĩsāre a'té di'akĩre wee dutiwā: “Pahasé kiorāre wee tamúya”, niiwā. A'tetā niĩwi y'i'ĩ āyuró weegĩti niĩ wākũ y'i'ri ni'ka'ke.

Paulo Antioquiapi Pedrore tu'ti'ke niĩ'

¹¹⁻¹²Be'ró Pedro Antioquiapire etāwĩ. Kĩĩ neē waro tii makāpire etāka be'roakā āyuró weemiwĩ. Kĩĩ toopĩre niĩgi kĩĩ keoró weeti'ke wapa kĩĩpireta tu'tiwi. Neē waro Judeu masa niitirā Jesu Cristore ēho peórā me'ra ba'ā, naā me'ra ba'pāti niikā'miwi. Kĩĩ tohō weē niisétiri kura Judeu masa Jerusalé káharā Tiago kĩĩ o'ò'o'kārā etāwā. Pedro naā etaká ĩ'yāgi, Judeu masa niitirā me'ra weeséti'kere weē du'ukā'wĩ. Naā y'i'ĩre tu'ti boosama niĩgi, tohō weewĩ. Toopĩ etarā Judeu masa wee dutisere keoró weerā niiwā. Tohō weerā Judeu masa niitirāre “Judeu masare dutisére weeró íá”, niĩ kusiawā. Tohō weegi naāre uĩgi, Pedro Judeu masa niitirā me'ra ba'pāti du'ukā'wĩ. Naā me'ra ba'ā nemotiwi maha. ¹³Āpērā Judeu masa kĩĩ weesére ĩ'yārā, kĩĩ weeró noho weē ta'sawā. Judeu masa niitirā me'ra ba'āmi'kārā ba'ātiwā. Naā me'ra niisétitiwā. Barnabēpita tohō wee nemó peokā'wĩ.

¹⁴Naā Jesu Cristore ēho peóse me'ra di'akĩ y'i'rírásā' niisére masimĩrā, keoró weetiwā. Tohō weegi naā weesé keoró niitikā ĩ'yāgi, Pedrore niĩ pe'tirā Jesu Cristore ēho peórā ĩ'yóropi tu'tiwi. Kĩĩre a'ti'ro niĩwi: “Mi'ĩ Judeu masi niimigi, Judeu masa niitirā me'ra ba'āgi, naā weeró noho weesétigi weē'. Mi'ĩ tohō weesé āyú niĩ', āyuró pe'ea'. Mehō ni'kāroakāre naā me'ra ba'āti, naā me'ra niisétitigi, 'Judeu masa weeró noho weeyá', niĩgi weē' taha naāre. Mi'ĩ tohō weekā, 'ĩsāre Moisé duti'kere weeró íása',

nií wākúsama. Mi'í basi weetise Judeu masa niítirāre 'Weeyá' niíro noho wa'á!. Mi'í tohō weesé yā'á nií!", niíwi.

Judeu masa, Judeu masa niítirā ēho peóse me'ra di'akī y'i'rírāsama niísé nií'

¹⁵Marí neê bahuárápita Judeu masa nií tohakārā niíwi. Āpērā weeró noho Moisé kīí dutí'kere weetikā weé wee!. ¹⁶Tohō niímira, marí Moisé dutí'kere weerā, y'i'ri masítisa!. Jesu Cristore ēho peóse me'ra di'akī y'i'ri wetí masi!. Marí Ô'ákī hi me'ra āyuró nií si'rírā, Jesu Cristore ēho peó!. Moisé kīí dutí'kere weerā pūrikā, neê ni'kí Ô'ákī hi me'ra āyuró nií masitisami. ¹⁷Marí "Jesu Cristo me'ra di'akī y'i'rírása!" niiká, marí akawerérā Judeu masa a'tíro niíma maríre: "Misá yā'á nií!", niíma. "Marí yēki simiāre dutí'kere weetikā, Judeu masa niítirā weeró noho misá yā'á nií!", niíma maríre. Too pūrikāre tohō niírā, Jesu Cristo maríre "Si'orí yā'áro weégi weemí naāre", niísama. Naā tohō niísé diakí hí ní wee!. Jesu Cristore tohō weesé marí!. ¹⁸Misāre "Marí yēki simiá dutí'kere me'ra y'i'risomé", nií weré tohawi. Ni'károakāre teé me'ra y'i'rírása, teeré weeyá niígi, y'i'íta bu'friti boosa!. ¹⁹Yi'í too dipóropire a'tíro wākúmiwi. "Moisé kīí dutí'kere me'ra di'akī Ô'ákī hi me'ra āyuró niíta basiósa!", niímiwi. Tohō niímigi, neê weé pōo téotikāti. Be'ró y'i'íre Ô'ákī hi kīí makí Jesu Cristore i'yowí. Tohō weégi ni'károakāre Jesu Cristore ēho peógi, Ô'ákī hi me'ra wākú pi'etíro mariró niiká!. Marí yēki simiāre wee dutí'kere wākú niri wee! maha. ²⁰Jesu Cristo kurúsapi wēríki niíwi. Yi'í kīíre ēho peógi, kīí me'ra wērígi weeró noho wa'áki niíwi. Tohō weégi y'i'í se'saro níí wee!. Ni'károakāre Jesu Cristo y'i'íre si'orí niími. Yi'í kīí iaró, kīí dutiró wee!. Ô'ákī hi makire ēho peógi, wākú tutua!. Kīí y'i'íre ma'ígi, yā'áro weé'kere wērí wapa yeé basaki niíwi. ²¹Yi'í Jesu Cristo wērí'kere "Tohō nií ma'aká'ro wee!", níí wee!. Kīí y'i'íre ma'isére neê du'tú si'ritisa!. Moisé dutí'kere me'ra marí y'i'ritá basiókā maa, Jesu Cristo mehō waro wērí boopí.

Moisé dutisé oh'á'ke, Jesu Cristore ēho peósekāhase nií'

3 Misá Galáciakāharā Jesu Cristore ēho peó du'urā, ti'o masíti butia'rā weeró noho weé'ra weé!. Noá misāre nií soo sihamirito mehēkā ēho peó dutirā? Ísā toopíre niírā, misāre Jesu Cristo kīí kurúsapi wērisere keoró werēwi. Misá āyuró ísā weresere ti'owí. ²Até di'akire misāre sérí yā'agiti. Misá Moisé dutí'kere weerā, Espírito Santore yē'éri? Yē'etipā. Jesu Cristo yee kitire ti'orā kīíre ēho peorā pe'e, yē'epā. ³Espírito Santo tutuaró me'ra misá Ô'ákī hi pō'ra sáhá ni'kawí. Ni'károakāre misá tutuaró me'ra ēho peó yapatírati, niímiti? Pōo téótisa!. Misāre ti'o masíse pe'tiá wa'aáti? ⁴Jesu Cristore neé waro ēho peókā, āpērā misāre yā'áro weekārā niíwā. Ni'károakāre kīíre ēho peó du'urā, "Mehō waro pi'etipā", niírā weetikí? Yi'í ti'ó yā'akā, mehō waro pi'etipā. ⁵Ô'ákī hi misāre Espírito Santore o'oo'ki niíwi. Kīí tutuasé me'ra misá wa'teropire pehé weé i'yomi. De'ró weégi tohō weesarí, misá ti'ó yā'akā? Jesu Cristo yee kitire misá ti'ó ēho peókā, tohō weesamí. Moisé kīí dutí'kere weeká maa, neê tohō weetikí boosami.

⁶Marí yēki Abraão yee'kahasere wākūrā. Kīí pūrikā Ô'ákī hire ēho peóki niíwi. Tohō weégi Ô'ákī hi kīíre "Āyugí niími", nií i'yáki niíwi. ⁷Misá a'teré masíya. Abraão weeró noho Ô'ákī hire ēho peorā naáta niíma Abraão paramérā waro. ⁸Ô'ákī hi yee kiti ohāka pūripi Judeu masa niítirā naā Ô'ákī hire ēho peoátehere ohā yuu no'okaro niíwi. Naāre y'i'rioátehere

werê yuugi, Ô'âkî hi Abraãore a'tîro niîki niîwî: “Niî pe'tirã a'tí di'takãharã mi'î weeró noho êho peó siru tuurãre 'Áyurá niîma, bu'îri moomá, niî ì'yâgiti. Naãre áyuró weegíti”, niîki niîwî. ⁹ Abraão Ô'âkî hire êho peóki niîwî. Tohó weégi Ô'âkî hi kîî re áyuró weéki niîwî. A'tóka tero kê'rare niî pe'tirã Jesu Cristore êho peórãre Ô'âkî hi áyuró weemí.

¹⁰ Apêrà pûrikãre Ô'âkî hi bu'îri da'rêsami. Naã a'tîro wãkûsama. “Moisé duti'kere weerã, yi'rírãsa!”, niîsama. Tohó wãkûmirã, niî pe'tise teeré weé pe'otisama. Ô'âkî hi yee kiti ohãka pûripire a'tîro niîwî: “Niî pe'tise Moisé duti'kere weé pe'otigi noho bu'îri da'rê no'ogisami”, niîwî. Tohó weerã “Moisé duti'ke me'ra yi'rírãsa!”, niîmisama. Niî wee! Ô'âkî hi naãre bu'îri da'rêgisami. ¹¹ Ô'âkî hi yee kiti ohãka pûripire a'tîro ohã no'okaro niîwî: “Ô'âkî hi kîî re êho peórãre 'Áyurá niîma', niî ì'yâsami. Kîî me'ra niî nu'kurãsama”, niîwî. Tohó weerã marí masí!. Moisé dutisé me'ra neé ni'kí Ô'âkî hi me'ra áyuró niîta basió wee!. ¹² Moisé kîî dutisé pe'e tohó meheta niî!. A'tîro pe'e niîwî. “Niî pe'tise Moisé duti'kere weé pe'ogi, Ô'âkî hi me'ra katí nu'kukí'sami. Teeré weé pe'otigire Ô'âkî hi 'Bu'îri kiomí', niî ì'yâgisami”, niîwî. ¹³ Marí niî pe'tise Moisé duti'kere weé pōo tēo wee!. Tohó weégi Ô'âkî hi naã weé pe'otima niîgi, “Bu'îri kiomá”, niîki niîwî. Apêro, Ô'âkî hi yee kiti ohãka pûripire a'tîro ohã no'okaro niîwî: “No'ó naã wêrika be'ro yukí gipi di'te yoó no'o'kãrã Ô'âkî hi bu'îri da'rê duti'kãrã niîma”, niî ohã no'okaro niîwî. Diporópire masá yã'arãre tohó weékukãrã niîwã. Jesu Cristo kê'ra ya'lagí, bu'îritigi weeró noho marí bu'îri da'rê no'ó boo'kere kurúsapi wêrí wapa yeéki niîwî. Tohó weégi kîî maríre yi'riká weéki niîwî. Marí ni'kãroakãre kîî re êho peórã, bu'îri marí!. ¹⁴ Jesu Cristo maríre bu'îri da'rê boo'kere kurúsapi wêrí wapa yeéki niîwî. Tohó weekã, Ô'âkî hi Abraãore Judeu masa niîtirã kê'rare “Tohó weegíti” niî'ke keoróta wa'ãkaro niîwî. Jesu Cristore êho peókã, naãre Abraãore weeró noho “Áyurã, bu'îri maríra niîma”, niî ì'yâsami. Tohó weégi kîî ni'kãro nohota weesamí. Niî pe'tirã Jesu Cristore êho peórãre Espírito Santore o'òo'sami.

Ô'âkî hi Abraãore, Moisére kîî uúkû'ke niî'

¹⁵ Ni'kãroakãre masá naã wee wiãse nohore misãre werêgiti. Masá “A'tîro weerã” niî, wiôrà tiro papéra apo yuúsama. Be'ró naã teeré apóka be'ro neé ni'kí “Tii pûrre kô'ákã'ya, a'tîro ohã nemo'ya”, niî masitisami. ¹⁶ Ô'âkî hi kîî Abraãore niî'ke a'té weeró nohota niîwî. A'tîro niîki niîwî: “A'ti nukúkãkãharãre mi'î parami niî turiagipi me'ra áyuró weegíti”, niîki niîwî. “Mi'î paramérã niî turiarã páharã me'ra áyuró weegíti”, niîtikí niîwî. Tohó niîtimigi “Mi'î parami niî turiagi ni'kí me'ra di'akí tohó weegíti”, niîki niîwî. Tohó niîgi, Jesu Cristore uúkûgi weéki niîwî. ¹⁷ Yi'î misãre niîsé a'tîro niîro wee!. Ô'âkî hi Abraãore niîki niîwî: “Masá yi'î re êho peórã yi'rírãsama. Naã yi'î me'ra áyuró niîrãsama”, niîki niîwî. Be'ropí quatrocentos trinta ki'mari be'ro Ô'âkî hi kîî dutisére Moisére kûúki niîwî. Teeré kûúgi, “Too dipóropi Abraãore 'Yi'î tohó weegíti' niî'ke wapa marírosa!”, niîtikí niîwî. ¹⁸ Marí Moisé kîî ohã'kere weekã, Ô'âkî hi me'ra áyuró niîta basiókã maa, Ô'âkî hi Abraãore too dipóropi niî'ke wapa marí boopã. Tohó niî wee!. Ô'âkî hi Abraãore ma'ígi, “Kîî tohó weegíti” niî'kere keoró weéki niîwî. “Niî pe'tirã mi'î weeró noho êho peórãre yi'riógiti”, niîki niîwî.

¹⁹ Too pûrikãre de'ró weégi Ô'âkî hi Moisére sô'ó niî'ke dutisére kûúpari? A'tîro niî!. Maríre “Yã'arã niî!, bu'îri kió!” niî masí dutigi kûúki niîwî.

Ô'âkî hi teeré Abraão paramí nîf turiagi Jesu Cristo a'tirî kurapi kûû tioki niîwî. Jesu Cristo me'ra Ô'âkî hi “A'ti nukúkâkâharâre âyuró weegítî” niî'ke keoró wa'âwi. Teé dutisére Ô'âkî hi kîî re werê ko'terâ i'mî sekâharâ me'ra Moisére werê duti o'oki niîwî. Moisé pe'e kê'ra teeré ti'ógi, werê turiaki niîwî masapîre taha. ²⁰ Abraão pe'ere Ô'âkî hi âyuró weeátehere âpêrâre werê duti o'otimigi, kîî basita werêki niîwî. Tohô weéro Ô'âkî hi Abraãore niî'ke pe'e Moisére niî'ke yi'rióro wapatí yi'ri ni'kakaro niîwî.

²¹ Too pûrîkâre Abraãore kîî niî'ke wapatí yi'ri ni'kakâ, Moisére kîî dutî'ke pe'e wapa marîpari? Niîtikaro niîwî. Masá nîf pe'tise Moisé kîî dutisére weeté basiókâ maa, marîre Ô'âkî hi me'ra âyuró niîta basió nîf boopâ. Basiótikaro niîwî. ²² Ô'âkî hi yee kiti ohâka pûripî a'tîro ohâ no'okaro niîwî: “Nîf pe'tirâ masá yâ'ará niîma. Bu'iritirâ niîma”, niîwî. Tohô weéro Ô'âkî hi Abraãore kîî diporópi niî'ke wa'â. A'tîro niîki niîwî: “Mî'î weeró noho êho peó siru tuurâre ‘Áyurá niîma’, nîf i'yágiti”, niîki niîwî. Tohô weégi Ô'âkî hi Jesu Cristore êho peórâre bu'ri da'rê no'o boo'kere yi'riósami.

²³ Marî Jesu Cristore êho peótoho diporo kîî re êho peóatehere ko'têrâ nohota Moisé kîî dutî'ke doka nîf niî'kârâ niîwî. Moisé dutisére weé pe'o sî'rimirâ, nîf pe'tisere weé pôo téótikârâ niîwî. ²⁴ Moisé dutisé me'ra Ô'âkî hi marîre “Yâ'ará niî” nîf masî dutigi kûûki niîwî. Teeré masîrâ, marî “De'ró weé yâ'âro niisere du'urâsari?” niîato niîgi kûûki niîwî. Be'ró Jesu Cristo a'tikâ, marî a'teré masîkârâ niîwî. “Kîî re êho peórâ, Ô'âkî hi me'ra âyuró nîf masisa”, niîkârâ niîwî.

²⁵ Niî'kâroakâre marî Jesu Cristore êho peóri kura niî'. Tohô weérâ Moisé dutisé doka nîf wee' maha.

²⁶ Marî nîf pe'tirâ Jesu Cristore êho peóse me'ra Ô'âkî hi pô'ra niî'. ²⁷ Jesu Cristore êho peó tîharâ, wamê yee no'okârâ niîwî. Misá kê'rare kîî weeró noho niisétikâ weéki niîwî. ²⁸ Ô'âkî hi nîf pe'tirâ kîî makî Jesu Cristore êho peórâre yi'riósami. Judeu masare, Judeu masa niîtirâre yi'riósami. Tohô niîkâ âpêrâre da'râ wâ'ya ko'terâre, da'râ ko'tetirâre yi'riósami. Îmiaré, numiâre niî'kâro noho yi'riósami. Marî nîf pe'tirâpita Jesu Cristore êho peórâ dika watise moó'. ²⁹ Marî Jesu Cristo yarâ niî'. Tohô weérâ Abraão paramérâ nîf turiarâ waro niî'. Ô'âkî hi Abraãore niî'karo nohota marîre weegísami. Abraão weé'karo noho êho peókâ, marîre yi'riógisami.

4 Misâre a'tîro werê nemogiti. Wi'magi kîî pakî kûuátehere yê'eákîhi masá tu'a ehatimigi, maatâ yê'êtisami. Nîf pe'tise kîî yêe niîmikâ, da'râ ko'tegi weeró noho niîsami. ² Âpêrâ masá kîî re ko'têsama. Kîî naâ dutisé doka niîsami. Kîî yêe niîátehe kê'rare i'yâ niri basasama. Kîî pakî kîî wêriátoho diporo niî'kâ nîmi teeré wiaátihi nîmire besesami. “Tii nîmî ehakâ, nîf pe'tisere yi'î makire wiayá”, niîsami. Tohô weérâ tii nîmî niîkâ, nîf pe'tisere kîî re wiá pe'ókâ'sama. Teeré wiáka be'ro kîî da'râ ko'tegi weeró noho niîtisami maha. ³ Marî kê'ra Jesu Cristore êho peótoho diporo marî yêki simiá wee mihátî'kere weérâ, â'rî weeró noho nîf niî'kârâ niîwî yuhûpi. Teé dutisé me'ra niîrâ, âpêrâre da'râ wâ'ya ko'terâ weeró noho niîkârâ niîwî. ⁴ Tohô niîmikâ, Ô'âkî hi pe'e kîî keóka nîmi niîkâ, keoró a'ti nukúkâpîre kîî makiré o'óo'ki niîwî. Kîî Ô'âkî hi makî niîmigi, niî'kó numiópîre bahuáki niîwî. Kîî Judeu masi niîgi, Moisé dutisé doka niîki niîwî. ⁵ Moisé dutisé doka niîrâ re yi'ri wetikâ iági, Ô'âkî hi kîî makiré o'óo'ki niîwî. Naâre yi'riógi, Jesu Cristo kurúsapi wêrîki niîwî. Ô'âkî hi pô'ra wa'â dutigi marîre tohô weéki niîwî. ⁶ Ô'âkî hi marîre yi'î pô'ra nîf

tohama niŋgi, maríre kīi makí me'ra Espírito Santore o'ôo'ki niŋwí. Tohó weérá Ô'ákí hire "Pakí", pisú masi'. ⁷Marí Jesu Cristo yi'rió no'o'kārā niŋ yuurā, āpērāre da'ra ko'terā weeró noho niŋ wee' maha. Ni'karoakāre Ô'ákí hi pō'ra niŋ toha'. Tohó weérā niŋ pe'tise kīi o'oátehere yē'ērāsa'.

**Paulo Galáciakāharāre naā Jesu Cristore ēho peó
du'u sī'rikā ti'ógi kīi wākú ke'ti'ke niŋ'**

⁸Misā too dipóropire Ô'ákí hire masítikārā niŋwí. Masā naā yeē'kārāre ēho peókārā niŋwí. Naāre Ô'ákí hire weeró noho i'lyākārā niŋwí. Naāre ēho peórā, naā dutisé doka niŋ wā'yarā weeró noho niŋkārā niŋwí. Misā ēho peó'kārā Ô'ákí hi meheta niŋkārā niŋwā. ⁹Ni'karoakāre misā Ô'ákí hire masi'. Kīi pe'e misāre masí mi'taki niŋwí. Kīi re ēho peóka be'ro too dipóropi misā ēho peó'kere du'úkā'kārā niŋwí. Misā ēho peó mi'ta'ke mehó niisé niŋ'. Wapa marí!. Ni'karoakāre Moisé dutisére weérā, misā ēho peó mi'ta'kere ēho peórā weeró noho weérā weésa!. Too dipóropi da'ra wā'ya ko'te'kārā weeró noho niŋ sī'risari taha? ¹⁰Misā a'tiro wākúmisā!. "Judeu masa wee wiāse nohore tiikése bosê nimirí kiórā, yi'rírāsa'", niŋmisa!. Teeré wākūrā, soo wiāse nimiríre, ma'ma muhípüre, no'ó bosê nimirí niisé nohore weésa!. ¹¹Yi'í misāre mehó waro bu'epari? niŋgi, yā'āro ti'ó yā'asa'.

¹²Akawerērā, yi'í misā a'tiro weeká iása!. Misā Judeu masa niŋtirā Moisé dutisére weetikārā niŋwí. Yi'í kē'ra misā weeró noho teé dutisére weé wee' maha. Ni'karoakāre masi!. Jesu Cristore ēho peóse me'ra di'akí marí yi'rírāsa'. Tohó weégi Judeu masi niŋmigi, Jesu Cristore ēho peógi, Moisé dutisére du'úkā'wi. Yi'í weeró noho misā weeká ia sáa!. Yi'í misāre too dipóropi bu'eká, yi'í re neē yā'āro weetiwi. ¹³Misā masisa!. Yi'í do'āti tihagi, misā tiropire Jesu Cristo masaré yi'rióse kitire bu'ēwi. ¹⁴Yi'í do'átikā, misāre diāsa niŋwí. Misā yi'í dutí wi'i niŋmikā, yabitiwi. A'tiro pe'e weewí. Ni'kí Ô'ákí hire werē ko'tegi i'mīsepi niigire weeró noho pōo tēri me'rikā'wi. Jesu Cristore misā yē'ē boo'karo weeró noho yi'í re āyuró weewí.

¹⁵Misā too dipóropi yi'í me'ra e'katími'ke de'ró wa'ári? Misā tiŋtare yi'í re ma'írā, misā wee tamúta basiókā wee boópā. No'ó misa yeé kapēripita yi'í re oré wee o'ó sāha boópā. ¹⁶Yi'í diakí hi weresé bu'iri yi'í re i'lyā tu'tirā weeti? Diakí hi niisére ti'ó sī'ritisari?

¹⁷Misāre mehēká bu'ē siharā yi'í weeró noho āyusere ia sārā meheta weesamá. Misāre naā āyuró uúkū ta'sasama. Yi'í me'ra pe'e e'katí dutitirā tohó weesamá. Tohó niŋká naā bu'esé pe'ere siru tuuáto niŋrā tohó weesamá. ¹⁸Āpērā misāre wee tamúkā, āyú niisa!. Āyuró weé sī'rise me'ra wee tamúkā maa, āyú niisa!. Wee tamúrā weé' niŋrā, tohó wee tamú nu'kukā'ato. Yi'í toopí niŋká di'akí wee tamú ta'satikā'ato. ¹⁹Yi'í re misā ti'sátimikā, yi'í pō'rare weeró noho ma'í. Misāre wākūgi, pūūro bihā weti!. Ni'kó nihí pako koô makiré wiaátoho diporoakā pūrisé pi'etisamo. Koô weeró nohota yi'í kē'ra misā Jesu Cristore ēho peókā ia sáāgi, pūūro pi'eti!. Misā Jesu Cristo weeró noho niisétika be'ropi āyuró ti'ó yā'agiti. ²⁰Yi'í misāre werē nemoakihi misā tiropi niŋká' sī'rimisa!. Yi'í yoarópi niŋgi, de'ró wee boósari?

Piárā numia Agar, Sara yee kiti niŋ'

²¹Misā a'tiro wākúmisā!. "Moisé dutisére weérā, Ô'ákí hi me'ra āyuró niŋká'rāsa'", niŋmisa!. Tohó wākúmirā, Moisé dutisére keoró masítisa'.

Keoró masírā pūrikā, misā wākuro noho wākūti boopā. ²²Moisé kīf basita Abraão yeere a'tūro ohāki niūwī. Abraão piārā imiá pō'ratīki niūwī. Ni'kiré Agar wamētigo kīre da'rā ko'tego me'ra pō'ratīki niūwī. Āpiré kīf nimo diákī hi Sara me'ra pō'ratīki niūwī.

²³Agar āpērā numia weeró nohota wi'magí boká, pō'ratīko niūwō. Sara pe'e maa bikió waro niŋ yuukā, wi'magí bokatá basiótikaro niūwī. Ō'ākī hi wee tamúse me'ra koóre wi'magí bokatá basiókā weeki niūwī. Kīf Abraãoire niŋki niūwī: “Mi'ŋ nimo ni'kí pō'ratīgusamo”, niŋki niūwī. Kīf niŋ'karo nohota wi'magí pō'ratīko niūwō. ²⁴⁻²⁵A'tūro weé'ke me'ra marí masí'. Naā piārā numia Ō'ākī hi kīf piáro dutisé maríre kūŋ'ke weeró noho niŋ'. Agar ŋrigí Sinai wamētikihi weeró noho niŋmo. Tigipí Ō'ākī hi Moisére dutisé o'ōki niūwī. Tigí Arábia di'tapi nísa'. Agar maki kīf pakó da'rā ko'tego niŋ yuukā, kīf kē'ra da'rā ko'tegi niŋki niūwī. Tii kurākāharā bahuá siru tuurā niŋ pe'tirā da'rā ko'terā niŋma. Āpērā dutisére weé wā'ya ko'tema. Apéye maa taha a'tóka tero Jerusalépire āyuró Moisé dutisére weerá niisama. Agar tii maká weeró noho niŋmo. Niŋ pe'tirā Moisé dutisére weerá Agar yaa kurākāharā weeró noho da'rā ko'terā niŋma. Tohó weérā naā Moisé dutisé doka niŋma.

²⁶Sara pe'e a'tūro niŋmo. Jesu Cristore ēho peórā weeró noho niŋmo. Koō Abraão nimo diákī hi niŋko niūwō. Kīf re da'rā ko'tego meheta niŋko niūwō. Marí Jesu Cristore ēho peórā koō weeró noho niŋ'. Moisé kīf dutisé doka niŋ wee'. Tohó niŋká koō Jerusalé i'mísepi niiri maka weeró noho niŋmo. Tii maká marí Jesu Cristore ēho peórā niŋiŋtihi maka niŋ'. ²⁷Ō'ākī hi yee kiti ohāka pūripi Isafa kīf ohā'ke a'tūro niŋ':

Numió, mi'ŋ pō'ra marímigo, e'katíya. Wi'marā naā wiārā pūrisé ti'ó yā'asere ti'ó yā'atimigo, e'katíya. Mi'ŋ pō'ra marímikā, be'ropíre mi'ŋ paramérā pāharā niŋrāsama. Apêgo, marapí me'ra niigó nemoró paramératigosa', niŋ ohāki niūwī.

A'te ohā'ke a'tūro niŋ si'rūro weé'. Jesu Cristore ēho peórā Moisé dutisére weerá nemoró pāharā niŋrāsama.

²⁸Akawerérā, marí Sara maki Isaque weeró noho niŋ'. Ō'ākī hi Abraãoire niŋ'karo nohota Sara Isaquere wiāko niūwō. Maríre Ō'ākī hi kīf re niŋ'karo nohota kīf pō'rā wa'aká weemí. ²⁹Diporópire Sara maki Espírito Santo tutuaró me'ra bahuáki niūwī. Da'rā ko'tego maki Ismael kīf re i'yā tu'tiki niūwī. A'tóka tero kē'rare tohōta niŋ'. Moisé dutisére weerá marí Jesu Cristore ēho peórāre i'yā tu'tisama.

³⁰Ō'ākī hi yee kiti ohāka pūripi Ismael, Isaque yeekāhasere a'tūro ohā no'okaro niūwi: “Da'rā ko'tego maki kīf pakí kiosére yē'ētisami. Kīf nimo diákī hi me'ra pō'ratī'ki pe'e yē'égisami. Tohó weégi da'rā ko'tegore koō makí me'rata kó'ā o'okā'ya”, niŋ ohā no'okaro niūwi. ³¹Tohó weérā y'i'ŋ akawerérā, marí Jesu Cristore ēho peórā Sara paramérā niŋ turiarā niŋ'. Da'rā ko'tego paramérā meheta niŋ'. Sara maki kīf paki yeére yē'ē'karo weeró nohota marí Ō'ākī hi kīf pō'raré o'oáthehe yē'ērāsa'.

Moisé dutisé doka niŋ nemotikā'ya niisé niŋ'

5 Jesu Cristo maríre marí yēki simiá wee mihāti'ke doka niŋ'kārāre y'i'rióki niūwī. Ō'ākī hi pō'ra wa'ā dutigi maríre yā'āro weé'kere wēri wapa yeé basaki niūwī. Maríre too dipóropire pehé dutisé niŋ'karo niūwī. Ni'kārōakāre Jesu Cristore ēho peórā maha tiŋtapi niŋ'karo noho niŋ wee'. Niŋ soorā misāre a'tūro niŋ boosama. “Ō'ākī hi me'ra āyuró niŋ si'rūrā,

Moisé dutisére weeyá”, nîf boosama. Tohô niiká, ti'otiká'ya. Teeré weetiká'ya. Misá teeré weerá, da'rá ko'terá weeró noho wa'ârása' taha.

²Ti'ó yá'are misa. Yi'í misâre werêgiti. Misá “Ô'rekihí yapa kaserore yehê kô'ase me'ra Ô'âkî hi îsâre yi'riógisami”, niítiká'ya. Misá tohô niiká, misâre Jesu Cristo wêri basa'ke neê wapa marírosa'. ³Misâre nîf nemogiti. Tohô wâkusétirâ pûrikâ nîf pe'tise Moisé kîî dutisére weé pe'oká'ya. Ni'karé wee maá kusiaticá'ya. ⁴Misá Moisé dutisé me'ra yi'rírâsa' niîrâ, Jesu Cristore du'úrâ weé!. Kîî ma'isé me'ra misâre âyuró wee boó'kere bahuriórâ weé!. ⁵Îsâ misâ weeró noho wâkú wee!. Espírito Santo wee tamúro me'ra a'tíro wâkú!. Ô'âkî hi marîre “Jesu Cristore êho peóse me'ra âyurá niîma”, niúgisami. Tohô niíatehere êho peóse me'ra yuú kue!. ⁶Marí Jesu Cristo yarâ niî!. Ô'âkî hi i'yóropire Ô'rekihí yapa kaserore yehê kô'a no'ose, yehê kô'a no'otise wapa marí!. Marí Jesu Cristore êho peó tîharâ, âpêrâre ma'í!. Tee pûrikâ wapatí!.

⁷Misá Jesu Cristore êho peóka be'ro kîîre âyuró siru tuúrâ weemíwi. Noá misâre diakî hí êho peómi'kere werê maa soómitito? ⁸A'té maa Ô'âkî hire diôtiká'ya. Kîî dohórê'tipî. Kîíta misâre Jesu Cristore êho peókâ weéki niîwî. ⁹Masá naâ uúkú wiase a'tíro niî!: “Pâú bikiaká weesé kâ'roákâ moremikâ, nîf pe'tiro pâupî se'sâa wa'âsa!” Mehêká werê maa soó siharâ a'té weeró noho niísama. Naâ bu'esé naâ pehêterákâ niímikâ, pâú bikiaká weesé weeró noho bikiá wâ'karo weé!. Nîf pe'tirâ Jesu Cristore êho peórâre dohórê! wâ'karâ weemá. ¹⁰Naâ tohô weesére yi'í wâkú ke'ti wee!. Misá kê'ra yi'í weeró noho Jesu Cristore êho peórâ niî!. Tohô weerâ misá, yi'í ti'ó yá'akâ, yi'í weeró noho weerâsa!. Misâre dohórê! sî'rise wa'âsome. Ô'âkî hi misâre dohórê! sî'rigi nohore bu'îri da'rêgisami.

¹¹Akawerérâ, âpêrâ yi'í re a'tíro niísama: “Paulo masaré Ô'âkî hi me'ra âyuró nîf sî'rírâ, a'tíro weeyá' niîmi. Ô'rekihí yapa kaserore yehê kô'aya niisére bu'ê kusagi weemí”, niísama. Naâ tohô nîf ma'akârâ weemá. Yi'í tohô niiká maa, Judeu masa yi'í re yá'âro weeti boosama. Yi'í Jesu Cristo kurúsapi wêrisé me'ra yi'rírâsa' niisé di'akîre werê!. Teé bu'iri yi'í re yá'âro weemá. ¹²Misá Jesu Cristore êho peórâre dohórê! kusiasama. Misâre dohórê'râre a'tíro weeká iása!. Naâ misâ tireore neê nîf nemotiká'ato.

¹³Akawerérâ, Ô'âkî hi misâre Moisé dutisére doka niíato niígi meheta kûúki niîwî. Misá “Moisé dutisére doka nií wee!” niîmirâ, “No'ó îsâ yá'âro iâri pehasere weerâ ti”, niítiká'ya. A'tíro pe'e weeyá. Âpêrâre ma'írâ, wee tamúya. ¹⁴Marí Moisé dutisére nîf pe'tisere ni'kâropita neêo ni'ko masi!. A'tíro niî!: “Marí basi ma'íro nohota âpêrâ kê'rare ma'íro iá”, niî!. ¹⁵Misá a'mêri ma'ítí, a'mê tu'ti, uukahárâ pûrikâ, wa'íkîrâ a'me kêérâ weeró noho weerâ weé!. Misá basita dika watí, masá pe'tirâ weerâsa!. Tohô wa'ári niîrâ, ti'o masí, niisétiya.

Espírito Santo wee dutísere weeró iá' niisé nií'

¹⁶Misâre a'tíro werêgiti. Espírito Santo misâre wee dutíro nohota weé nu'kuká'ya. Misá tohô weerâ, yá'asé misá iâri pehasere weesomé. ¹⁷Marí yá'âro weé sî'rise, marí iaró weesé niî!. Espírito Santo kîî iasé meheta niî!. Teé ni'kâro noho nií wee!. Espírito Santo kîî wee dutíse âyusé niî!. Yá'âro weé sî'ri, iâri pehasé nií wee!. A'té pîa pe'eseri a'me kêé!. Tohô weerâ marí âyuró weé sî'rimirâ, weetísa!. Espírito Santo kîî

iasére weerã, yã'ãro iãri pehase pe'ere weé wee! ¹⁸Marĩre Espĩrito Santo si'orĩ ayuró weesetikã, “Moisẽ dutisẽ me'ra marĩ yĩ'rĩrãsa”, niĩ wãkũtisa' maha.

¹⁹No'ó yã'ãro weé iãri pehasere maata masĩ no'o'. Teerẽ weerã, a'tĩro weesamá. Naã nimosã numia, naã marapĩ simia niĩtirãre a'me tãrãsama. Yã'asẽ buhĩkã'sama. Naã niĩ pe'tise yã'asẽ iãri pehasere neẽ bopõyase mariró weesamá. ²⁰Õ'ãkĩ hi mehereta, masã naã yeẽ'kãrãre ãho peõsama. Tĩ'ó yã'ari masa yaĩ weesẽ nohore weesamá. I'yã tu'tisama. A'mẽri wapasamá. ãpẽrãre doẽsama. Sahãtiro weemĩkã, uã yeesama. Naã ti'sasẽ di'akĩre weekã'sama. Naa yeẽ se'sarore wãkũsama. Naã ni'kãro me'ra a'mẽri niĩmi'kãrã dika watĩsama. ²¹Iosẽ piha niĩsama. Masarẽ wẽhẽ kõ'asama. Ke'asamá. Ke'ãrã, yã'ãro weesẽre yĩ'rió kehokã'sama. Tohõ niikã apẽye pehẽ a'tẽ weeró noho wee nemõsama. Misãre too dipõropi niĩ'karo nohota werẽ nemogiti taha. No'ó tee nohõre weesetigi noho Õ'ãkĩ hi wiõgi niĩropi i'mĩsepi wa'ãsome.

²²Espĩrito Santo pe'e marĩre si'orĩ a'tĩro weesetikã weesamĩ. ãpẽrãre ma'ĩsa'. E'katĩse kiõsa'. Mari yaã ehẽri põ'rapi ayuró ti'ó yã'asa'. Marĩre yã'ãro weekã, uãtisa'. ãpẽrãre pahã yã'asa'. Naãre ayuró weesa'. Keoró, diakĩ hi weé me'rikã'sa'. ²³“ãpẽrã yĩ'riõro niĩ!”, niĩ ti'ó yã'atisa'. Yã'ãro weesẽre weé si'rimirã, weetĩsa'. A'tẽ Espĩrito Santo me'ra weesẽ ayusẽ di'akĩ niĩ'. Tohõ weero a'terẽ neẽ ni'kãro dutiró “Weetikã'ya” niĩ ka'mú ta'aro marĩ'. ²⁴Marĩ Jesu Cristo yarã niĩ tĩharã, yã'ãro iãri peha niĩseti'kere du'úkã' maha.

²⁵Espĩrito Santo marĩre Õ'ãkĩ hi me'ra niĩ nu'kukã weemĩ. Tohõ weerã Espĩrito Santo wee dutĩro nohota weesetiro iã'. ²⁶Marĩ “ãpẽrã yĩ'riõro niĩ!” niĩsẽ me'ra naãre uakã weetikã'rã. “Naã yĩ'riõro niĩ!”, niĩtikã'rã. A'mẽri iotĩkã'rã.

Paulo a'mẽri wee tamú dutise niĩ'

6 Akawerãrã, ni'kĩ Jesu Cristore ãho peõgi apẽ tero yã'ãro wee boõsami. Kĩĩ tohõ weekã, Jesu Cristore ayuró ãho peorã noho kĩĩre wee tamúya. Kĩĩre “Yã'ãro weesẽre du'uyã”, niĩya. Õ'ãkĩ hire akobohõse sãri dutĩya. Teerẽ wee tamurã, pahã yã'ase me'ra weeyã. Misã kẽ'ra yã'ãro weerĩ niĩrã, misa yeere wãkũ niĩriya. ²Misã ãpẽrãre no'ó mehẽkã wa'akã, a'mẽri wee tamúya. Tohõ weerã Jesu Cristo dutisẽre keoró weerãsa'.

³Apẽ tero ni'kĩ “Yĩĩ ãpẽrã yĩ'riõro niĩ!”, niĩ wãkũsami. Kĩĩ ãpẽrã yĩ'riõro niĩtimigi, mehõ waro wãkũ ma'akã'sami. Tohõ niĩgi, kĩĩ basi niĩ soogi weemĩ. ⁴Marĩ niki ayuró weemĩti yĩ'i? niĩgi, marĩ weesẽre beseró iã'. ãyuró weeka be'ro “ãpẽrã yĩ'riõro ayuró weepã” niĩro mariró mari yeẽ pe'ere e'katĩro iã'. ⁵Marĩ ni'karerã marĩ weẽ'kere Õ'ãkĩ hire yĩ'tirãsa'. Tohõ weerã marĩ niki kĩĩ kũũ'kere weeró iã'. ⁶Misã Jesu Cristo yee kiti bu'erãre wee tamúya. Misã kiosẽre naãre dika waãya.

⁷Misã a'terẽ masĩya. Õ'ãkĩ hire yã'ãro buhĩkã, kĩĩre yã'ãro weé du'tita basió wee!. “Õ'ãkĩ hi yĩĩ yã'ãro weekã, bu'ĩri da'rẽsome”, niĩ wãkũtikã'ya. Misãre a'tĩro werẽgiti. Marĩ otesẽ dika otekã, marĩ otẽ'ke nohota pi'ri dikãtisa'. Marĩ weesetise kẽ'ra teẽ weeró noho niĩ'. Marĩ weesẽtiro nohota meharõta taha bokarãsa'. ⁸Ni'kĩ yã'ãro iãri pehasere weegi noho yã'asẽre bokagĩsami. Õ'ãkĩ hi kĩĩre bu'ĩri da'rẽ bahuriõgisami. Apĩ Espĩrito Santo iaró noho weegi pe'e ayusẽre bokagĩsami. Kĩĩ Õ'ãkĩ hi tiropi katĩ nu'kukĩ'sami. ⁹Tohõ weerã ayusẽre weerã, marĩ kari butĩtikã'rã. Marĩ kari butĩtikã, Õ'ãkĩ hi ayusẽre keoró marĩre o'õgisami. ¹⁰Tohõ weerã niĩ

pe'tirāre marí pōo tēóro āyuró weerá. Jesu Cristore ēho peorā pe'ere āyuró weé y'i'ri ni'karā.

Paulo werê tio'ke ni'

¹¹ Misāre āyuró i'yā dutigi pakasé ohāgiti. A'té ni' tiose daaripire y'i'f basita ohā'. ¹² Misāre ô'rekihí yapa kaserore yehê kō'a dutirā naāre āpêrā āyuró wākuká iārā, tohō wee dutísama. Marí Jesu Cristo kurúsapi y'i'rióse kitire bu'eká, Judeu masa maríre tu'tí, yā'āro weemá. Naā teé pe'ere iatírā, misāre tohō yehê kō'a dutisama. ¹³ Naā yehê kō'a dutirā marikā ni' pe'tise Moisé dutisére weé pe'otima. Tohō weé pe'otimirā, misāre yehê kō'a dutima. Naā a'tíro ni' sī'rirā, tohō weesamá. “Īsáta Galácia di'takāharāre Moisé dutisére weeká weeápi” ni' sī'rirā, tohō dutísama. ¹⁴ Y'i'f pūrikā naā weeró noho ni'f wee'. Jesu Cristo maríre y'i'riógi kurúsapi wēri'ke pe'ere werê'. Y'i'f re “Āpêrā y'i'rióro ni'imi” ni'iató ni'igi meheta werê'. Y'i'f Jesu Cristo wērisé me'ra a'ti nukúkākāharā naā iāri pehasere du'úkā'wi. Y'i'f teeré wākū niri wee' maha. ¹⁵ Ô'ākī hi i'yóropire ô'rekihí yapa kaserore yehê kō'a no'ose, yehê kō'a no'otise wapa marí'. Marí Jesu Cristore ēho peóse, tohō niiká marí yā'āro weeséti'kere dika yuúse pūrikā wapatí'. ¹⁶ Ni'f pe'tise y'i'f bu'ê'kere wee sirú tuurāre Ô'ākī hi naāre āyuró ehēri pō'ratikā weeáto. Naāre pahá yā'ato. Ni'f pe'tirā kī i yaráre tohō weeáto. ¹⁷ Y'i'f Jesu Cristo yee kitire bu'eká, naā y'i'f re tārā, kamī da're'ke wā'yá'. Naā tohō weé'ke me'ra Jesu Cristore y'i'f da'rā ko'tesere i'yó'. Tohō weerā ni'kaká me'ra neē ni'kí y'i'f re kari boó nemotikā'ato. Y'i'f bu'esére uúkū maa soó nemotikā'ato.

¹⁸ Marí wiógi Jesu Cristo misā ni' pe'tirāre āyuró weeáto. Misāre y'i'f akawerérāre weeró noho malí'.

Toô kā'rota ohā'.

Paulo